



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum XXXV. Lycij rustici in ranas vertuntur.

[urn:nbn:de:hbz:466:1-68709](#)

SYMBOLVM XXXV.

Lycij rustici in ranas vertuntur.

6. Metam.

Ethicè.

1. Agrestis inhumanitas. 2. Officium peregrinis exhibendum. 3. Maledicentia. 4. Ranæ, typus convitiorum. 5. Item obiretatorum adversus viros sapientes. 6. Item loquacium. 7. Etiam in minimis magnum datur beneficium.

Cum Latona ex Jove grava, Junonis Zelotypæ acerbis odijs exagitata, nuspiam terrarum locum inveniret, ubi quiesceret & puerperiò cubaret, denique in insulam Delon (quæ cùm antè fluctuaret, iussu Jovis constitit, Latonaque profugæ ad pariendum locum dedit) delata, gemellos edidit, *Apollinem & Dianam*. Sed neque hic satis tutæ licebat esse; quare collectis properè in sinum parvulis, aufugit inde, inque Lyciam minoris Asiae provinciam deuenit. Fatigata labore viae, solis æstu, lassitudine ac siti, commodùm in valle proxima, stagnantis aquæ lacum conspicatur; in cuius ripis juncos & palustria virgulta colligeant accolæ rustici. Accedens igitur ad lacum, cùm inclinato vellet aquam haurire corpore, prohibuerunt id agrestes. Debebat puerperæ, debebat parvulorum aspectus permovere ad humanitatem agrestes: debebat ipsa natura eos admonere officij, nam & hostis undam hosti commodat; sed robore duriora erant Corydonum pectora. Non enim contenti fuere peregrinam barbarè arcuisse à stagno; aquam ipsam commotò, & in superiores partes evocatò limo turbidam, potuique ineptam reddiderunt, convitijs insuper ad inhumanitatem pertulanter additis. Non potuit non in iram accendere Divam contumelia; & quia precibus nihil efficiebat bonis, malas in eos strinxit; & optavit, ut crudissimi mortalium perpetuam deinceps in aquis illis vitam degerent. Dictum, factum! subita mutatione in ranas transformatur Mopsi, impetuque facto insiliunt in aquas, humidò se abdunt limo, raucas litibus exercent linguis,

Et veterem in limo ranæ cecinere querelam,

Z 3

Ethica.



Ethica.

I. (a) Quadrat hæc metamorphosis rectissimè in homines rusticos, quorum nota est inhospitalitas; qui si peregrinum aliquem viderint, caperata fronte, torvisque oculis in eum intuentur, non aliter, quam si ex interiore Libya monstræ novitatis bestiam contemplarentur. Vestitus dispar, loquela, mores, incessus ab eorum ratione differens, totidem causæ odij. Frustra ab ijs vel haustum frigidæ, vel commem viæ monstrationem petas; nec raro convitia pro officijs feras. Nil possunt adversus duritiem verba composita, blanditiæ, preces. Quæ si adhibeas, non plus efficies, quam Latona cum gemellis suis brachiola tendentibus. Describit cruditatem Naso:

Quem non blanda Deæ potuissent verba movere?
Hi tamen orantem perstant cohibere: minasque
Ni procul abscedat, convitiaque insuper addunt,
Et hoc erat jus ipsum naturæ violare, quod Latona conquesta est:
Quid prohibetis aquas? usus communis aquarum est;
Nec solem proprium natura, nec æra fecit,
Nec tenues undas.

Natura nos finxit, inquit Tullius i. Offic. ad communicanda officia, adduciturque versus Ennii:

Homo, qui erranti comiter ostendit viam,
Quasi lumen de suo lumine accendat, facit:
Nihilominus ipsi luceat, cum illi accenderit.

Quibus verbis præcipitur, ut quod sine detimento possit commodari, id tribuatur vel ignoto; ex quo sunt illa communia: Non prohibere aqua profluente: Pati ab igne ignem capere, quis velit: Consilium fidele delibranti dare. Qua sunt his utilia, qui accipiunt, danti non molesta. Hæc Cicerio. Secus fecerunt rustici Lycii, qui non tantum nullum humanitatis officium ostenderunt peregrinis & rogantibus, sed eos insuper injuria affecerunt. Nimirum agrestibus istis robur & æs triplex circa pectus erat, & animus summâ malevolentia corruptus. Quid enim inhumanius, quid barbarius? miseris, supplicibus, in summa necessitate, in peregrino solo, in tenella ætate constitutis negatur haustus aquæ, intentantur minæ, voces in eos maleficæ expromuntur; manibus, pedibus, saltibus aqua, ne quid inde libetur, turbatur, & limosa redditur; Minatur Ecclesiasticus cap. 3. Cor durum male habebit in novissimo. Nam genus hoc Rana mutuis se se male-

(a) Agrestis inhumanitas.



maledictis proscident in stagno ignis ardentiſ Apocal.c.19. cum Sociis dæmonibus, qui ibid. dicuntur de ore draconis & bestia exire in modum ranarum.

II. (b) Lex tam naturæ, quād divina dictat, peregrinis humanitatem esse exhibendam. Peregrino molestus non eris; scitis enim advenarum animas. Quia & ipſi peregrini fuisti in terra Ægypti. Exod. 23. Quibus verbis innuitur, Hospitaliter & humaniter habendos peregrinos; tum quia quicunque inter exterorū & ignotorū versantur, solent esse animo pavido, suspenso, verecundo, ut proinde satis ipsa peregrinatione afflictis, non sit addenda afflictio; tum quia Hebræi experti erant, quād esset dura peregrinantium conditio; adeoque non ignari malorum disserent succurrere miseris. Habetque hic vel maximè locum illud: *Quod tibi vis fieri, facias alteri.*

III. (c) Etiam Latona non extra culparū est; ferventiū in imprecatiōes profilvit, cūm

Æternū stagno, dixit, vivatis in isto.

Aliud nos docet Lex, non dicam Christiana, sed etiam ethnica. Cato certè cuiusdam probris vexatus, respondit: Impar mihi tecum certandī conditio est; nam ut malè dicere, & malè audire tibi facillimum est: sic mihi maledicere insuave est, & malè audire insuetum. Plut. in vita Catonis. Hoc ipsum s̄æpe accedit viris Religiosis, quando per heterodoxorum provincias, & urbes faciunt iter; quos non raro juventus malè morata; opifices sordidi, illiberales, seuriles petulanter dictiis & convitiis insectantur, satisque indicant, hos spiritus ex ore bestie (Hæresis) in modum ranarum exire. Viri tamen cordati & religione inclyti, has, aliás que contumelias generoso stomacho concoquunt, qualem non habuit Latona.

Lyciorum rusticorum in ranas mutationem festivè describit Naso:

Eveniunt optata Deæ: juvat esse sub undis,
Et modò tota cavâ submergere membra palude,
Nunc proferre caput, sumino modò gurgite nare,
Sæpe super ripam stagni consistere, sæpe
In gelidos resilire lacus; sed nunc quoque turpes
Litibus exercent linguas, pulsoque pudore,
Quamvis sint sub aqua, sub aqua maledicere tentant.
Vox quoque jam rauca est, inflataque colla tumescunt,

Ipsaque

(b) Officium peregrinis exhibendum. (c) Maledicentia.

Ipsaque dilatant patulos convitia rictus.
Terga caput tangunt, colla intercepta videntur,
Spina viret, venter pars maxima corporis albet:
Limosoque novæ saliunt in gurgite ranæ.

IV. (d) Imago hæc est convitiatorum & calumniatorum; in limo & luto delectamentum querunt; in sordidis obtrectationibus linguam & dentes exercent. Et ubi non coaxant hoc genus *Ranæ*: ubi suo strepitu non obtundunt aures? non secus ac ranæ illæ Ægyptiæ, quondam in Pharaönem immisæ. Exod. 8. cibos omnes, vasæ, ollas, lances, fedes, mensas, domos, apothecas, penuaria, cubicula, lectos, vias, cunctaque oceupantes ac fœdantes. De quibus Philo lib. 1. de vita Mosis. Vix Aaron manum extenderat, cum ranarum tanta vis prorepsit, ut non solum fora compleret, ac loca subdalia; verum & domos, & villas, & cuncta aedificia tam Sacra, quam profana; tam privata, quam publica; haud secus, ac si genus hoc aquatilium missum esset in diversi elementi coloniam; natura mutante rerum vicissitudinem. Hæc Philo. En quò penetrant maledicæ, vel etiam obscenæ linguae (nam in cœno nascuntur ranæ) quid non fecerint, inquinent, inficiant? In mensis præsertim, & inter compotationes spurcitem suam exerunt, & è fœtentis gutture vel Cyprias sordes eructant, vel purulentas linguas convitiis & contumeliosis sermonibus exercent, probrisque lacerant innocentiam.

V. (e) Ranæ, loquaces & putidæ bestiæ apud Homerum insanis suis clamoribus Minervæ ipsi molestæ sunt, quæ propterea queritur, sibi infesta ranarum coaxatione caput obtusum, & soporem, quem vel maximè desiderabat, negatum. At si lampadem lacui, in quo tumultuantur ranæ, imminentem appendi cures, repente, ut ajunt, luminis fulgore percussæ conticescunt. Ranæ Calumniatores, ut dixi, sunt, qui, ne Minervæ quidem, hoc est litteratis & virtute claris hominibus parcunt, sed maledicuum os in eos stringunt, & molestiam certè, si damnum non possunt, inferre student. Fit tamen, ut, postquam vel obtrectantes linguae, vel criminatores calami aliorum famam, velut coaxantes ranæ infestare conantur, Vere virtutis, religionis, ac doctrinæ fulgor, instar lampadis ex alto suspensa, discussis calumniarum & mendaciorum nebulis longè clarius emicet, & maledicentia improborum hominum comprimatur, ac obmitescat.

VI. (f) Per ranas intelliguntur etiam garruli, loquaces, clamosi; hi enim quietis amantibus sunt permolesti, turbantque silentium, attentio-

nem,

(d) *Rana typus convitiatorum.* (e) *Obrectatores literatorum & proborum virorum.* (f) *Garrula rana, sunt femina, pueri, & quidam senes, ac heretici.*



nem, pacem domi, in scholis, in templis. Unde Pithagoras dixit hirundinem (aut ranam) in domum non esse suscipiendam; id est, garrulos & verbosos homines, in familiam non esse admitterendos. Huic præcipue vitio sunt obnoxii pueri & feminæ, multa imperite deblaterantes. Homo sapiens verba bis ad limam, quam solum ad linguam adhibet; priusque discit silere, quam loqui. Ad hanc tribum pertinent etiam quidam senes, qualis fuit Tithonus, conjux Aurora, cui immortalitatem ipsa impetravit à Parcis, oblita interim perpetuitatem juventutis poscere. Itaque exaruit, & in cicadam versus est, quæ mutatis exuviis non occidit, animal siccissimum, canorum, garrulum, quæ senectuti convenient. Senectus enim natura est loquacior, ut scribit M. Tullius in Catone Majore, & sola vox ferè in Senibus remanet. Maxime vero loquaces sunt Heretici, de quibus Tullianus lib. contra Hermog. c. 1. Tales, inquit, loquacitatem, facundiam existimant, impudentiam, constantiam deputant, & maledicere singulis, officium bonæ conscientiæ judicant. Sed sicut ranæ noctu face accensa elinguantur; sic heretici ac Sophistæ perstricti veritatis luce conticescunt, de quibus Poëta:

Lumine percussæ cessant maledicere ranæ,

Et victus Veri luce Sophista tacet.

Et quemadmodum ranæ gaudent aquâ turbidâ, sic dolosi captatores animarum, malè feriati ingenij commenta hauriunt è depravatae Scripturæ sensis, & ignaræ plebeculae obtrudunt. Rana, ut Ælianus scribit lib. 12. c. 15. Valido clamore hydram, serpentem aquatilem, tertere conatur; sed ille neglecto clamore prædam arripit, & deglutit. Eum in modum homines multum clamosi, sunt contemnendi; nam ut aiunt, canes timidi vehementius latrant. Et bos ranæ se inflanti, ac de magnitudine corporis certare volenti,

----- non si te ruperis, inquit

Par eris.

Applica mulierculis contra viros insurgentibus, & clamoso verborum sonitu sua officia, merita, opes, genus jactantibus, atque ad iugum provocantibus. Sed cordatus maritus paucis reprimis importuna lingua tempestatem, dicitque: *Non si te ruperis, par eris, femina viro, rabiosula prudenti, tumida contemnenti, loquaacula silenti, turbata tranquillo.* Idem homini heretico occine.

VII. (g) Divinis ex oraculis habemus, quanti apud Deum sit
meriti.

A a

(g) *Haustrus frigida quantum beneficium.*

meriti, frigidæ calicem porrígere sítienti. Latona certè summi loco beneficij duxisset, si haustu aquæ impertita fuisset, hinc ait:

Haustus aquæ mihi nectar erit, vitámque fatebor

Accepisse: simul vitam dederitis in undis

Optimus pincerna sitis est; aquam in vinum vertit. Exemplorum in hoc genere copia suppetit. *Sifaram* Principem exercitū Jabini regis, à Jahele, muliere Hebræa aquam petiisse, & lac pro nectare bibisse, ex historia sacra constat 4. Judic. Apud M. Tullium lib. 3. Tuseul. quæst. *Darius* rex Persarum (quem Alexander Macedo regno everit) cùm aquam turbidam, & cadaveribus inquinatam hausisset, negavit, unquam se bibisse jucundiùs. *Lysimachus* rex Thraciæ, ob ingentem sitim, sc̄, regnūmque suum hostibus scythis, pro aquæ scyphō tradidit; quā epotā, exclamāsse fertur: *Dij immortales! quantillo corporis oblectamento quantum regnum vendidi!* Plut. in apophth. regum. *Synata* homo rusticanus regi *Artaxerxi* frigidam è Cyro flumine haustum, cavā manuum volā obtulit; exceptum est munus aureā phialā; prœmium ferenti mille daricorum nummorū, seu philipporum repensum. *Ælian.* lib. 1. var. hist. c. 32. Præclarum est, quod refert Josephus lib. 18. Antiq. c. 8. Caius Imp. iussit Agrippam Herodis Ascalonitæ nepotem, inter purpuratos adscitum, ob suspicionem criminis, palam comprehendendi, & in vincula coniici. In carcere positus, cum æstu vehementiore & siti arderet, conspicatur fortè quendam è Caij servis, nomine *Thaumastum*, fontanam Domino ferentem; hominem amicè compellat, haustum frigidæ petit; quā acceptā promittit, se, ubi fortuna se vinculis exemissem, gratiam relaturum. Respondit eventus. Mortuô Caiô, Agrippa in somnum regni Judaici ascendit, atque ut comprobaret,

Quām bene apud memores veteris stet gratia facti. 4. *Æn.*

Thaumastum acciri jubet, & primaten regni sui administrum constituit. *De Leone*, tribunitiæ dignitatis viro memorat Nicephorus lib. 15. c. 15. & ex eo Baronius ad ann. Ch. 458. cum, quod homini cæxo viam ad fontem monstrasset, ad culmen Imperij Rom. evectum fuisse. *Rebecca*, quod sacræ litteræ Gen. 22. asserunt, propter beneficium aquæ, peregrino (Eliezeri, Abrahami procuratori) impensum, faustissimum Isaaci conjugium indepta est. Et mulier illa Samaritana Joan. 4. quantum retulit pretium ex puteana Christo Servatori oblata? adeò multum par tem in utrāmque refert sítienti vel impertijisse, vel negāsse frigidam.

SYM-

